



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

XVIII. De te[m]pore Christi à manifestatione in te[m]plo anno 12. ætatis,  
ad tempus prædicationis eius.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)



## CAPVT XVIII.

De tempore Christi à manifestatione in templo anno duode-  
cimo etatis, ad tempus prædicationis eius.

**F**IGVRA prima. Fuit hoc tempore quasi Ioseph absconditus, sic Ioseph mansit quasi occultus in Aegypto vsq; ad annum trigessimū, quo incepit esse notus Pharaoni, & saluare Aegyptum. Gen. 41. 10. 11. 12. 13. 14. 15. *Iratus Rex seruis suis, me & magistrum pistorum retrudi iussit in carcerem principis militum. Ubi una nocte uterq; vidimus somnium presagium futurorum. Erat ibi puer Hebraus, eiusdem ducis militum famulus, cui narrantes somnia, audiuius quicquid postea rei probauit euentus: Ego enim redditus sum officio meo, & ille suspensus est in cruce. Protinus ad regis imperium eductum de carcere Ioseph, totos derunt, ac veste mutata, obtulerunt ei. Cui ille ait. Vidi somnia, nec est qui edisserat; que audini te sapientissime conijcere. Vers. 38. 39. 40. 41. 42. 43. 44. 45. Locutusq; est ad eos; num inuenire poterimus talem virum, qui spiritu Dei plenus sit? Dixit ergo ad Ioseph: Quia ostendit tibi Deus omnia que locutus es, nunquid sapientiozem & consimilem tui inuenire poterò? Tu eris super domum meam, & ad tui oris imperium cunctus populus obediet: Vno tantum regni solio te precedam. Dixitq; rursus Pharaon ad Ioseph: Ecce constitui te super vniuersam terram Aegypti; tulitq; annulum de manu sua, & dedit eum in manu eius: vestiuitq; eum stola byssina, & collo torquema aureana circumposuit. Fecitq;*



eum ascendere super currum suum secundum, clamante pracone, ut omnes coram eo genu flecterent, & propositum esse scirent uniuersae terra Egypti. Dixit quoque rex ad Ioseph: Ego sum Pharao, absque meo imperio non mouebit quisquam manum, aut pedem in omni terra Egypti. Vertitque nomen eius, & vocauit eum lingua Aegyptiaca, saluatorem mundi, deditque illi uxorem Aseneth filiam Putipharis sacerdotis Heliopoleos, egressus est itaque Ioseph ad terram Aegypti.

Secunda. Moyses antequam mandato accepto liberasset Israel à seruitute, prius multis annis post fugam suam occultus fuit. Exod. 3. 7. 8. 9. 10. Cui ait Dominus: vidi afflictionem populi mei in Aegypto, & clamorem eius audiui propter duritiam eorum qui praesunt operibus, & sciens dolorem eius, descendi ut liberem eum de manibus Aegyptiorum, & educam de terra illa in terram bonam, & spatiosam, in terram qua fluit lacte & melle, ad loca Chananai, & Hetthai, & Amorrhai, & Pherezei, & Heuai, & Iebusai. Clamor ergo filiorum Israel venit ad me, vidique afflictionem eorum, qua ab Aegyptiis opprimuntur: sed veni, & mittam te ad Pharao, & educas populum meum, filios Israel de Aegypto.

Tertia. Leuitae ante trigesimum annum non debuerunt ministrare Domino in isto officio. Numeror. 4. 22. 23. Tolle summam etiam filiorum Gerson per domos & familias, & cognationes suas, à triginta annis & supra usque ad quinquagesimum



gesimum annum, omnium qui ingrediuntur ut stent  
& ministrent in tabernaculo fœderis.

Quarta. Dauid licet 1. Reg. 16. 13. in regē  
Iudæorum vnctus esset adhuc puer, triginta ta-  
men annis partim occultus, partim profugus  
fuit, quoad potiretur regno. 2. Reg. 5. 1. 2. 3. 4.  
Et venerunt vniuersa tribus Israël ad Dauid in He-  
bron dicentes. Ecce nos os tuum & caro tua sumus.  
Sed & heri & nudius tertius cum esset Saul super  
nos, tu eras educens & reducens Israël, dixit autem  
Dominus ad te: Tu pasces populum meum Israël, &  
tu eris dux super Israël. Venerunt quoq; & senio-  
res Israël ad regem in Hebron, & percussit cum eis  
Rex Dauid fœdus in Hebron coram Domino: vnxe-  
runtq; Dauid cum regnare cœpisset, & quadraginta  
annis regnavit.

Quinta. Samuel electus à Domino in Silo  
seruiebat Deo in templo crescens, & Dominus  
erat cum eo. 1. Reg 3. 1. 2. 3. 4. Puer autem Sa-  
muel ministrabat Domino coram Heli, & sermo Do-  
mini erat pretiosus in diebus illis, non erat visio ma-  
nifesta; factum ergò in die quadam Heli iacebat in  
loco suo, & oculi eius caligauerant, nec poterat vide-  
re lucernam Dei antequam exstingueretur. Samuel  
autem dormiebat in templo Domini ubi erat arca  
Dei. Et vocauit Dominus Samuel. Qui respon-  
dens ait: Ecce ego. Et cucurrit ad Heli, & dixit. Eco-  
ce ego, vocasti enim me. Qui dixit. Non vocavi: re-  
reuertere, & dormi. Et abiit, & dormiuit. Vers. 19.  
20. Creuit autem Samuel, & Dominus erat cum eo,



*& non cecidit ex omnibus verbis eius in terram. Et cognouit vniversus Israël à Dan vsq<sup>3</sup> Bersabee, quod fidelis Samuel Propheta esset Domini.*

PROPHECIAE. Isai. 45. 15. Vere tu es Deus absconditus, Deus Israël Saluator. Ibidem capit. 52. 14. Sicut obstupuerunt super te multi, sic inglorius erit inter viros aspectus eius, & forma eius inter filios hominum.

VERITAS. LUC. 2. 15. Et descendit cum eis & venit Nazareth. Et erat subditus illis.



LIBER